



ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ

29 - ՐԴ ԳԻՏԱԺՈՂՈՎԻ ՄԱՍԻՆ

ՀԱՅՏԱՐԱՐՈՒԹՅՈՒՆ

Հրավիրում ենք Հայաստանի Հանրապետության և արտերկրի բուհերի դասախոսներին, գիտահետազոտական գործունեությամբ զբաղվող անձանց՝ մասնակցելու Գավառի պետական համալսարանի ամենամյա՝ 29-րդ գիտաժողովին: Գիտաժողովը կկայանա **2026 թվականի մայիսի 2-ին և 3-ին** (մեկնարկը՝ ժամը 11.00-ին), զուգակցված՝ առկա-առցանց ձևաչափով:

Ձեկուցումներն անհրաժեշտ է ներկայացնել էլեկտրոնային տարբերակով **մինչև 2026 թվականի ապրիլի 15-ը**՝ պահպանելով բովանդակային և տեխնիկական պահանջները:

Գիտաժողովի աշխատանքային լեզուներն են հայերենը, ռուսերենը և անգլերենը:

Գիտաժողովն անցկացվելու է՝ ըստ բնագիտական և հումանիտար գիտությունների հետևյալ բազմալատների. Ֆիզիկամաթեմատիկական, քիմիական, կենսաբանական, տեխնիկական էկոլոգիական, գյուղատնտեսական, պատմական, տնտեսական, փիլիսոփայական, բանասիրական, իրավաբանական, մանկավարժական, հոգեբանական, սոցիոլոգիական, քաղաքական գիտություններ, աշխարհագրություն, երկրաբանություն և երկրաբնապահպանություն:

Մասնակցության համար անհրաժեշտ է մինչև **2026 թվականի ապրիլի 15-ը** լրացնել էլեկտրոնային հայտ՝ հետևյալ հղումով.

<http://gsu.am/hy/electronicapplication/>

[U](mailto:info@gsu.am) զեկուցումներն ուղարկել ԳՊՀ էլեկտրոնային փոստի հետևյալ հասցեներին՝

info@gsu.am, infogsu@mail.ru

Ընդունված զեկուցումները կներկայացվեն գիտաժողովի ընթացքում և դրական գրախոսության դեպքում որպես հոդված կտպագրվեն ԳՊՀ գիտական պարբերականում:

Ստորև ներկայացնում ենք զեկուցումներին (հոդվածներին) ներկայացվող պահանջները.

1. Գիտական զեկուցումը պետք է լինի 5-ից 10 էջի սահմաններում, հայերեն, ռուսերեն կամ անգլերեն լեզուներով, համակարգչային շարվածքով, B 5 չափի տպագրական թղթի վրա, «**GHEA Grapalat**» տառատեսակով, 1,12 միջտողային հեռավորությամբ, թղթի բոլոր կողմերից 18 մմ լուսանցքով, էջադրումը՝ էջի ներքևում (footer), կողմնորոշումը՝ կենտրոն, սահմանները՝ 1սմ:

Վերևում նշել **վերնագիրը**՝ 10,5 pt տառաչափով (**մեծատառերով, թավ՝ Bold**), վերնագրից մեկ տող ներքև՝ աջ անկյունում 10,5 pt տառաչափով, նշել հոդվածի համընդհանուր տասնորդական դասակարգման կոդը (<ՏԴ, UDC, ՄԸԿ, տե՛ս <http://www.udcsummary.info/php/index.php?tag=1&lang=hy> հղումը), այնուհետ հեղինակ(ներ)ի **ազգանունը, անունը (թավ)**, գիտական աստիճանը և կոչումը (սկսել մեծատառով, նոր տողից), զբաղեցրած պաշտոնը (սկսել նոր տողից), մեկ տող ներքև տրվում է հեղինակի (համահեղինակների) էլեկտրոնային փոստի հասցեն, մեկ տող բաց թողնելով՝ 10,5 pt տառաչափով, *շեղադրան (italic)* և **թավ** բնագրի լեզվով

ներկայացվում է զեկուցման ամփոփագիրը (**аннотация, abstract**), որտեղ պետք է հակիրճ ներկայացվեն ուսումնասիրության առարկան, մեթոդները, հեղինակի (հեղինակների) հիմնական եզրահանգումները, գիտական նորույթ պարունակող առաջարկությունները:

2. Մեկ տող բաց թողնելով՝ անհրաժեշտ է գրել «**Բանալի բառեր**» (**թավ**) և նշել 5-ից 7 բանալի բառ:

3. Բաց թողնելով երկու տող՝ շարադրել աշխատանքը, 10,5 pt տառաչափով: Մեջբերումներն անհրաժեշտ է կատարել համակարգչային հղման ձևով՝ զեկուցման համար հերթական համարակալմամբ (1-ից մինչև վերջին հղումը): Բնագրին հաջորդում է «**Օգտագործված աղբյուրներ**»-ի ցանկը:

4. Բնագրի վերջին էջում հեղինակը գրում է՝ «**Բնագրի նյութը նախկինում չի հրատարակվել**», որին հաջորդում են հեղինակի ստորագրությունը (բոլոր համահեղինակների ստորագրությունները) և խմբագրական խորհրդին ներկայացման օրը, ամիսը, տարին:

5. Ներկայացվող զեկուցումները պետք է ունենան հստակ տրամաբանական կառուցվածք՝

ա) **ներածություն**, որում հիմնավորվում է ուսումնասիրման առարկայի արդիականությունը, ներկայացվում են հետազոտության հիմնական նպատակը, տեսական և գործնական հիմքերը, առաջադրվող վարկածը,

բ) **հիմնական մաս**, որում վերլուծվում են հետազոտության թեմայով նախկինում կատարված գիտական հրապարակումները, արդի մոտեցումները, հեղինակ(ներ)ի կատարած ուսումնասիրությունը, տեսակետները,

գ) **ամփոփիչ մաս**, որը բովանդակում է հետազոտության արդյունքները՝ եզրահանգումները, տեսական և գործնական նշանակություն ունեցող առաջարկությունները, գիտական նորույթ պարունակող խնդրի լուծումը, հաստատված վարկածը, կանխատեսումները, առաջարկությունները:

6. Ձեկուցման վերջում 10,5 pt տառաչափով անհրաժեշտ է գրել հոդվածի շարադրանքի լեզվից տարբեր վերը նշված երկու լեզուներով՝ հոդվածի վերնագիրը, հեղինակի (հեղինակների) ազգանունը, անունը, գիտական աստիճանը և կոչումը, զբաղեցրած պաշտոնը, հեղինակի (հեղինակների) էլեկտրոնային փոստի հասցեն, ամփոփագիրը՝ 150-250 բառ, և **բանալի բառերը**:

7. Լատիներեն և հունարեն տառերը, սիմվոլները, ինչպես նաև բանաձևերն անհրաժեշտ է հավաքել «Microsoft Equation Editor 3.0» ծրագրով, նկարների բացատրությունները և աղյուսակները ներկայացնել նկարի տեսքով՝ 10,5 pt տառաչափով:

8. Անհրաժեշտ է ներկայացնել կարծիք՝ ներկայացվող գիտական զեկուցման մասին կամ համապատասխան ամբիոնի, գիտական ղեկավարի կամ գիտական կազմակերպության երաշխավորությունը:

Պահանջներին չհամապատասխանող զեկուցումները չեն ընդունվում:

Այն հեղինակները, ովքեր չեն հանդիսանում Գավառի պետական համալսարանի աշխատակիցներ, զեկուցման տպագրման համար վճարում են յուրաքանչյուր էջի հաշվարկով՝ 2.000 (երկու հազար) ՀՀ դրամ, իսկ անհրաժեշտության դեպքում ԳՊՀ «Գիտական հոդվածների ժողովածու»-ի տպագիր օրինակ ստանալու համար՝ ևս 3000 (երեք հազար) ՀՀ դրամ, փոխանցումը կատարելով ցանկացած բանկից՝ «ՎՏԲ Հայաստան» բանկ ՓԲԸ Կամո մ/ճ 16021100146800 հաշվեհամարին: Փոխանցումը

հարկավոր է կատարել միայն ԳՊՀ գիտական պարբերականի խմբագրական խորհրդի կողմից հոդվածի ընդունումը հաստատելուց հետո՝ հնգօրյա ժամկետում:

Հարցերի դեպքում խնդրում ենք զանգահարել հետևյալ հեռախոսահամարներով՝
(0-60) 46-03-02, (0-60) 46-04-03, (0-60) 46-12-42,
(0-60) 46-12-43, 091-65-86-64:

**ՄԱՍՆԱԿՑՈՒԹՅԱՆ ՀԱՅՏԻ ՁԵՎԱԶԱՓ
(ներկայացնելը պարտադիր է)**

Ազգանուն, անուն, հայրանուն,	
Գիտական աստիճան	
Գիտական կոչում	
Աշխատանքի վայրը	
Պաշտոնը	
Հոդվածի վերնագիրը	
Մասնագիտական բաժանմունքը, որտեղ նախատեսվում է մասնակցությունը	
Էլեկտրոնային փոստի հասցեն	
Հեռախոսահամարը	

ՇՆՈՐՀԱԿԱԼՈՒԹՅՈՒՆ ՀԱՄԱԳՈՐԾԱԿՑՈՒԹՅԱՆ ՀԱՄԱՐ:

ԳՊՀ ԳԻՏԱԺՈՂՈՎԻ ԿԱԶՄԿՈՄԻՏԵ